

04 NOV 2001

DR MAHATHIR BERLEPAS KE BRUNEI UNTUK SIDANG KEMUNCAK ASEAN

PETALING JAYA, 4 Nov (Bernama) -- Perdana Menteri Datuk Seri Dr Mahathir Mohamad petang ini berlepas ke Brunei Darussalam untuk menghadiri Sidang Kemuncak ke-7 Asean.

Pesawat yang membawa Perdana Menteri berlepas dari Pangkalan Tentera Udara Diraja Malaysia (TUDM) di Subang pada kira-kira pukul 3.10 petang.

Dr Mahathir diiringi isterinya Datin Seri Dr Siti Hasmah Mohd Ali.

Sidang kemuncak Asean itu yang bermula esok dijangka memberi tumpuan kepada isu keganasan dan usaha merapatkan jurang ekonomi antara negara-negara anggota.

Para pemimpin Asean juga akan mengadakan perbincangan dengan pemimpin China, Jepun dan Korea Selatan dalam forum yang dikenali sebagai "Asean campur tiga".

-- BERNAMA

RV CS AZZ LAT